

## Script of Morning Gojri News Bulletin 14 June 2026 at 1015Hrs

ما رنینگ گو جری نیوز بلیٹن مورخہ 14 جون 2026

\*\*\*\*\*

یوہ آکا شوانی جموں ہے محمد امین انجم تیں خبر سُنو۔

### LG- Mahamana

لیفٹنٹ گورنر منوج سنہا نے سرینگر مانہ قابل احترام ماہر تعلیم تے سماجی اصلاحکار مہا منا پنڈت مدن موہن ما لویا غا کم اکھٹا کرن بارے ای اڈیشن غی افتتاحی تقریب مانہ شرکت کی۔ انہاں نے مہامنا مالویا مشن غی عظیم الشان کوشش غی تعریف کی۔ اس موقع ور لیفٹنٹ گورنر نے وکست بھارت تے جموں کشمیر ور گل کی۔ انہاں نے مہا منا کا مشن غی مطابقت تے مہامانا غی طرفوں آتم نربہر بھارت آلے پاسے بنیادی خدمات اُجاگر کیں۔ لیفٹنٹ گورنر نے کہیو جے وزیر اعظم نریندر مودی غی قیادت غے تحت جموں کشمیر مہامنا غا نظریات عملان مانہ ملک غی قیادت کر رہی ہے۔

-----

### Rana Jal Shakti

جل شکتی غا وزیر جا وید احمد رانا نے کل جل شکتی محکمہ غا افسران غی اک جائزہ میٹنگ غی صدارت کی۔ میٹنگ غو مقصد گرمیاں مانہ ضروریات پوری نالے اتابریا موسم غا سلسلہ مانہ تیاری مضبوط کرن بارے شروع کیا گیا اقدامات غی صورتحال غو جائزو لینو تھو وزیر موصوف نے زور پایو جے جموں کشمیر مانہ پانی غا وسائل غی منصوبہ بندی غا سلسلہ مانہ بارش غا پانی غی ذخیرہ اندوزی نانہ لازمی طور ور اک اہم جز غے طور گنیو جانو چاہیے۔

-----

### Satish-Sports Devp

وزیر کھیڈ ستیش شرما نے فر کہیو ہے جے وزیر اعلیٰ عمر عبداللہ سرکار غی قیادت غے تحت یوٹی مانہ کھیڈاں غی ترقی اک ترجیحی سیکٹر غے طور وجود مانہ آئی ہے ، تے بنیادی سطح ور کوشش مرکز کی جا رہی ہیں۔ انہاں نے کہیو جے جموں کشمیر کھیڈاں بارے اک انقلاب دیکھ رہیو ہے ، اور بکھ بکھ کھیڈاں مانہ نوجوانان غی حصے داری بدھ رہی ہے۔ اک وسیع دورو کرتاں واں وزیر موصوف کل وادی کشمیر غا اننت ناگ ضلع پھر مانہ کھیڈ سہولتاں غو جائزو لیتاں واں اپنا خیالات غو اظہار کر رہیا تھا۔

-----

### Yatri Suvidha Diwas

جموں ہوائی اڈو پلک یاتری سُو دھا دیوس منان واسطے پوری طرح نال تیار ہے۔ اس سلسلہ غو مقصد مسافراں غی سہولت واسطے کئی اقدام بدھانا ہیں۔ جن مانہ لوکاں مانہ بیداری تے مسافراں ور مرکز بکھ بکھ خدمات شامل ہیں۔ جموں ہوائی اڈا غا ڈائریکٹر دویندر یادو نے کہیو ہے جے آتی شری امرناتھ یا ترا غے مد نظر خصوصی انتظامات کیا گیا ہیں ، تانجے ملک پھر تیں آن آلا یا تریاں نانہ آرام نال سفر کرنو یقینی بناپو جا سکے۔ انہاں نے امدادی تھڑا، جانکاری واسطے کئی مخصوص جگہ تے اضافی عملو

وقف کیو۔ اسے دوران سرینگر ہوائی اڈہ ور وی یاتری سُوڈھا دیوس سرینگر بین القوامی ہوائی اڈہ ور پلک مناہو جائے گو۔

### Secy RDD-Sanitation SANJY

دیہی ترقی تے پنچائتی راج محکمہ غا سیکریٹری محمد اعجاز اسد نے آتی شری امرناتھ جی یاترہ 2026 غی تیار ی غا سلسلہ مانہہ کل اک وسیع دورو منعقد کیو۔ پہلگام رستہ ور ننون بنیا دی کیمپ تیں پسو ٹاپ تے زوزی بل تک حفظان صحت انتظامات غو جائزو لیو گیو۔ دورہ غے دوران سیکریٹری نے ننون چندن واڑی ، پسو ٹاپ تے زوجیل مانہہ حفظان صحت بنیا دی ڈھانچہ جن مانہہ بیت الخلا تے غسل خانان غی نصب کار ی شامل ہے غا کم غی رفتار تے کم غا معیار غو جائزو لیو۔ انہاں نے متعلقہ ایجنسیاں نانہہ ہدایت کی جے ویں پیش رفت مانہہ تیزی آئیں تے ویلے سر تمام آٹاٹان غی تکمیل یقینی بناویں۔ سیکریٹری موصوف نے کہیو جے ننون تیں پنج تارنی تک کل 3 ہزار 1 سو 20 حفظان صحت آٹاٹہ نصب کیا جا رہیا ہیں ، جن مانہہ 2 ہزار 7 سو 55 بیت الخلا اور 3 سو 65 غسل خانہ شامل ہیں۔

### Dir FC&CA-Gas Pipeline

خوراک سول سپلائز تے صارفین امور محکمہ جموں غا ڈائریکٹر راجیش کمار شون نے چل رہیا گُرداس پور جموں قدرتی گیس پائپ لائن پروجیکٹ غو معائنو کیو۔ معائنہ غے دوران انہاں نے پائپ لائن بنیادی ڈھانچہ غی پیش رفت، نالے سیٹی گیٹ اسٹیشنان غا کم غی صورتحال غو وی جائزو لیو۔ اس سلسلہ مانہہ ڈپٹی جنرل منیجر برائے تعمیر گیل انڈیا لمیٹڈ راہل کمار نے پروجیکٹ غا تکنیکی خدوخال غی جانکا ری دتی۔ انہاں نے موجودہ پیش رفت تے جموں کشمیر مانہہ امکانی تکمیل وقت جولائی 2026 اور تقریباً 2 سو 37 کروڑ روپیاں غی لاگت غی وی جانکاری دتی۔

### Entrepreneur Abhilasha Udh

اک وقت مانہہ گھر غی ذمہ دارایاں تک محدود رہن آلی ادھم پور غی ابھلا شا سلا ریہ ادھم پور غا ہٹل بالیاں مانہہ اک یونٹ قائم کرتاں واں اک کامیاب کاروباری غے طور ور وجود مانہہ آئی ہے۔ یوہ یونٹ باغبانی غی ترقی بارے مشن انٹی گریٹڈ ڈولپمنٹ آف ہا رٹیکلچر غے تحت قائم کیو گیو ہے۔ اس شروعات تیں عکاسی ہوے، جے کس راہ سرکار ی حمایت با اختیار بناوے جے نوکری تلاش کرن غے بجائے نوکری دین آلو بناویو جا سکے۔ ابھلاشا نے کہیو جے ان غو سفر مشکلاں غے بغیر نہیں ہے۔

اس غے نال ہی خبراں غو یوہ بلیٹن ختم ہوؤ۔